



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Cap. XXIII. Agonia in horto.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

EPITOME VI-TAE CHRISTI ANN. XXXIV. & illi sint mecum; ut videant claritatem meam quam dedisti mihi, quia dilexisti me ante constitutionem mundi. Notum feci eis nomen tuum, & notum faciam: ut dilectio, quâ dilexisti me, in in ipsis sit, & ego in ipsis.

CAPUT XXIII.

Agonia in horto.

1. Iesu cum discipulis venit in hortum ubi nonprehendus erat: orat Patrem, sudatq; sanguinem.
2. Iudas dux cohortis osculo tradit Christum.
3. Christus se capi permittit, sed prius solo verbo dejicit adversarios.
4. Petrus amputat auriculam Malchi; increpatur à Christo, Apostoli ceteri se fugiunt.

1. Igitur hymno dicto, egressus Iesus cum discipulis suis, ibat secundum consuetudinem in montem Olivarum. Et venit cum illis trans torrentem Cedron, in villam quæ dicitur Gethsemani, ubi erat hortus, in quem introivit ipse, & discipuli ejus. Et dixit discipulis suis: Sedete hic, donec vadam illuc, & orem. Et assumpsit Petrum, & Jacobum, & Joannem, & cepit pavere, & moestus esse. Tunc ait illis: Tristis est anima mea usque ad mortem: sustinete hic, & vigilate mecum. Et avulsus est ab eis, quantum iactus est lapidis, & positus genibus procidit super terram in faciem suam, orans, ut si fieri posset, transfiret ab eo hora, & dixit: Abba, pater, omnia tibi possible sunt: si vis, transfer calicem hunc à me: verumtamen non sicut ego volo, sed sicut tu. **Et cum surre-**

xisset ab oratione, venit ad discipulos suos, & invenit eos dormientes præ tristitia, & ait illis: quid dormitis? Et dicit Petro: Simon dormis? non potuisti una hora vigilare mecum? Surgite, vigilate, & orate, ut non intretis in tentationem. Spiritus quidem promptus est, caro autem infirma. Et iterum secundo abiit, & oravit, dicens: Pater mi, si non potest hic calix transire, nisi bibam illum, fiat voluntas tua. Et reversus venit, & iterum invenit eos dormientes. Erant enim oculi eorum gravati, & ignorabant quid responderent ei. Et relictis illis, iterum abiit, & oravit tertio, eundem sermonem dicens. Apparuit autem illi Angelus de caelo, confortans eum: & factus in agonia, prolixius orabat. Et factus sudor ejus sicut guttæ sanguinis decurrentis in terram. Tunc venit tertio ad discipulos suos, & ait illis: Dormite jam & requiescite: sufficit, ecce appropinquavit hora, & Filius hominis tradetur in manus peccatorum. Surgite, eamus, ecce qui me tradet, propè est.

Sciebat autem & Judas, qui tradebat eum, locum: quia frequenter Iesus convenerat illuc cum discipulis suis. Judas ergo cum accepisset cohortem, & à Pontificibus & Pharisæis ministros (adhuc Jesu loquente) venit illuc, & cum eo turba multa cum laternis, & gladiis, & fustibus, & armis. Dederat autem signum eis, dicens: Quemcumque osculatus fuerit

Sopor discipulorum.

Matth. 26.

Angelus Christo agonizanti apparuit: Sudor sanguinis.

2. Ioan. 18 Iudas osculum proditorium. Matth. 26 Luc. 22 Mar. 14.

Tristitia Christi, & trina oratio.

EPITOMAE VI-TAE CHRISTI ANN. XXXIV.

fuero, ipse est tenete eum, & ducite eum: & antecedebat eos. Et statim accedens ad Iesum, dixit: Ave Rabbi: & osculatus est eum. Iesus autem dixit illi: Amice, ad quid venisti? Juda, osculo filium hominis tradis?

3. Ioan. 18. Iesu solo verbo prostermit aduersarios.

Sciens itaque Iesus omnia quae ventura erant super se, processit, & dixit eis: quem quaeritis? Responderunt ei: Iesum Nazarenum. Dicit eis Iesus: Ego sum. Stabat autem & Judas qui tradebat eum cum ipsis. Ut ergo dixit eis, Ego sum; abierunt retrorsum, & ceciderunt in terram. Iterum ergo interrogavit eos: Quem quaeritis? Illi autem dixerunt: Iesum Nazarenum. Respondit Iesus: Dixi vobis, quia ego sum. Si ergo me quaeritis, sinite hos abire: ut impleretur sermo quem dixit: Quia quos dedisti mihi, non perdidisti ex eis quemquam. Tunc accesserunt illi, & manus iniecerunt in Iesum, & tenuerunt eum.

Permittit se capi.

Matth. 26.

Videntes autem hi, qui circa ipsum erant, quod futurum erat, dixerunt ei: Domine, si percutimus in gladio? Simon ergo Petrus, extendens manum, exemit gladium suum, & percutiens servum Principis Sacerdotum, amputavit illi auriculam dexteram. Erat autem nomen servo Malchus. Respondens autem Iesus, ait: Sinite usque huc. Et cum tetigisset auriculam eius, sanavit eum. Et dixit Petro: Converte gladium tuum in vaginam. Om-

4. Luc. 22. Petrus auriculam Malchi gladio abscidit. Matth. 26. Ioan. 18.

Incipitur Petrus: & sanatur Malchus. Matth. 26.

nes enim qui acceperint gladium, gladio peribunt. Calicem quem dedit mihi Pater, non vis ut bibam illum? an putas, quia non possum rogare Patrem meum, & exhibebit mihi plus quam duodecim legiones Angelorum? quomodo ergo implebuntur Scripturae, quia sic oportet fieri? Et ait turbis, & ad eos qui venerant ad se, Principes Sacerdotum, & magistratus templi, & seniores: Tanquam ad latronem existis cum gladiis & fustibus comprehendere me. Quotidie eram apud vos, & sedebam in templo docens, & non metenuistis: sed haec est hora vestra, & potestas tenebrarum. Hoc autem totum factum est, ut adimplerentur Scripturae Prophetarum. Tunc discipuli eius omnes, relicto eo, fugerunt. Adolescentem quidam sequebatur eum amictus sindone, super nudo, & tenuerunt eum. At ille, rejecta sindone, nudus profugit ab eis.

nes enim qui acceperint gladium, gladio peribunt. Calicem quem dedit mihi Pater, non vis ut bibam illum? an putas, quia non possum rogare Patrem meum, & exhibebit mihi plus quam duodecim legiones Angelorum? quomodo ergo implebuntur Scripturae, quia sic oportet fieri? Et ait turbis, & ad eos qui venerant ad se, Principes Sacerdotum, & magistratus templi, & seniores: Tanquam ad latronem existis cum gladiis & fustibus comprehendere me. Quotidie eram apud vos, & sedebam in templo docens, & non metenuistis: sed haec est hora vestra, & potestas tenebrarum. Hoc autem totum factum est, ut adimplerentur Scripturae Prophetarum. Tunc discipuli eius omnes, relicto eo, fugerunt. Adolescentem quidam sequebatur eum amictus sindone, super nudo, & tenuerunt eum. At ille, rejecta sindone, nudus profugit ab eis.

Luc. 22. Iesu discipulis eum exprobrant aduersarios.

Fugit discipulus & adolescentem sindone abiecit. Marc. 14.

CAPUT XXIV.

Iesus examini impiorum traditus.

- 1. Iesu ad Annam ducitur: a lapam a servo Pontificis accipit. Petrus ter negat.
- 2. Iesu condemnatur & illudatur in domo Caiphae.
- 3. In concilio Iudaorum denud exagitur, & inde ad Pilatum rapitur.
- 4. Iudas seipsum suspendit. Ager figuli, sive Hacedama.
- 5. Iesu adductus ad Pilatum in Praetorium, coram eo accusatus tacet, & innocens declaratur.
- 6. Mittitur ad Herodem, & inde remittitur ad Pilatum.

COHORS